

incustoditam, accepta idonea manu, vinctum clauso ore in palatium traxere. Percunctanti Tyberio, quomodo Agrippa factus esset? respondisse fertur: ^a quomodo tu Cæsar. Vt ederet socios subigi non potuit. Nec Tyberius pœnam eius ^b palam ausus, in secreta palatij parte interfici iussit, corpusque clam aufèrri. & quanquam multi è domo principis, equitesque ac senatores ^c sustentasse opibus, iuuisse consilii decerentur, ^d haud quæsitum. Fine anni arcus propter ædem Saturni, ob recepta signa cum Varo amissa, ductu Germanici, ^e auspicijs Tyberij, & ædes Fortis fortunæ Tyberim iuxta in hortis, quos Cæsar dictator populo Ro. legauerat, sacrarium genti Iuliæ, effigiesque diuo Augusto apud Bouillas dicantur. C. Calio. L. Pomponio Coss. Germanicus Cæsar ad VII. Cal. Iunias triumphauit de Cheruscis Chattisque & Angriuariis, quæque aliæ nationes vsque ad Albim colunt: vecta spolia, captiui, simulacra montium, fluminum, præliorum: bellumque, ^f quia conficere prohibitus erat, pro confecto accipiebatur. augebat intuentium visus ^g eximia ipsius species, currusque ^h quinque liberis onustus. ⁱ Sed suberat occulta formido reputantibus, haud prosperum in Druso patre eius fauorem vulgi, auunculum eiusdem Marcellum flagrantibus plebis studiis intra iuuentam ereptum: breues & infautos pop. Rom. amores. Cæterum Ty-

OBSERVATIONES.

^a Quando regum, & principum excellens potentia per animorum consensum constat, à quibus is consensus obtineri potest, is vique legitime imperatur. ad hunc autem consensum cum sepius malis, quam bonis artibus perueniatur, nequaquam mirandum est, si percunctanti Tyberio seruum Agrippæ quomodo Agrippa factus esset, respondit, quomodo tu Cæsar; ac si dicat; tu quibus potuisti artibus ad principale fastigium euectus es: eccui mirum sit, si isthuc ipsum ego, quibus potui rationibus, tentauit?

^b Is qui seditiosè bellum conciuuit, aut res nouas alia ratione molitus est, si in principis potestatem venit, continuo extingui, sed non semper sub omnium oculis, debet; ne forte, illo viso, seditiosis audacia crescat, eoque erumpat, ut inde maiores tumultus excitentur.

^c Coniuratio nondum ad acta fectitur, atque ad eò extinguitur, autore eius oppresso. Cæterum licet multi, ac primarij viri ead. m. crimine sint contacti, si ea res palam non est, consulte faciet princeps si non anxie in eos inquiret; contentus eo, quod oppresso duce, coniuratio pariter euauit.

^d Sudentur opibus, iuuamur consilijs, simile præceptum est Senecæ li. i. d. beneficijs, cap. 2. in fi. Alium inquit, re, alium fide, alium gratia, alium consilio, alium præceptis salutaribus adiuua.

^e Eius auspicijs bellum geri dicitur, cuius sumptibus & periculo geritur.

^f Quod nisi prohibitus essem, fecissem, id ita accipitur, ac si fecissem; nam tanquamque rem non ad id, quod actum est, sed ad consilium dirigi oportet, hinc fit, ut, is æque sit præmio dignus, qui rem non confecit, ac si confecisset, si per ipsum haud stetit quominus conficeret.

^g Eximia species corporis non minimum decus addit principi.

^h Inter cæteras principis felicitates numerus liberorum merito connumeratur.

ⁱ Iis solet esse breuis, perniciosus, & infustus fauor, & amor vulgi, qui propter genus, ingentes opes, rerum & glarum magnitudinem, animum excelsum, singularem felicitatem, principi in susceptionem affectandi principatus venire possunt.

berius